



女科学讲义



沈堯封先生女科輯要箋正兩冊

非賣品

著作板



權印證

此書有著作板權非得
板權人同意不許複印

著者 江蘇嘉定張壽頤山雷甫

校印者 浙江蘭谿中醫專門學校

印刷者 蘭谿協記書莊鉛印部



女科學講義

浙江蘭谿中醫專門學校編纂

教務主任嘉定張壽頤稿

蘭谿鄭贊綸絲閣

受業蘭谿蔡元楫濟川

參校

義烏何廷翊益贊

卷之下

產

徐藹輝曰。濟生產經曰。胎前之脈貴實。產後之脈貴虛。胎前則順氣安胎。產後則扶虛消淤。此其要也。丹溪云。產後脈洪數。產前脈細小澀弱。多死。懷妊者。脈主洪數。已產而洪數不改者。多主死。

(箋正)此言其大要耳。若別有見症。則仍以脈證相合爲吉。相反爲凶。如體質素弱。則胎



前之脈亦不必大。體質素強。則新產之脈亦不必小。皆不可遽謂敗象。又如胎前宜實。固然使邪實脈實。亦豈吉徵。產後宜虛。固然使正脫脈虛。寧是佳象。是必不可一概論者。惟在圓機之士。知其常而達其變耳。

楊子建十產論。一曰正產。二曰傷產。未滿月而痛如欲產。非果產也。名爲試月。遽爾用力。是謂傷產。三曰催產。正產之候。悉見而難產。用藥催之。是謂催產。四曰凍產。冬產血凝不生。五曰熱產。過熱血沸。令人昏暈。六曰橫產。兒身半轉。遽爾用力。致先露手。令穩婆徐推兒手。使自轉正耳。七曰倒產。兒身全未得轉。卽爲用力。致先露足。令穩婆推足入腹。八曰偏產。兒未正而用力所致。九曰礙產。兒身已順。不能生下。或因臍帶絆肩。令穩婆撥之。十曰坐產。急於高處繫一手巾。令母攀之。輕輕屈足坐身可產。十一曰盤腸產。臨產母腸先出。然後兒生。產後若腸不收。用醋半盞。新汲水七分和勻。嚥產母面。每嚥一縮。三嚥盡收。

（箋正）是論原文頗長。此其刪節者。節之太簡。頗有不甚明了者。其坐產一條。原謂兒將欲生。其母疲倦。久坐椅褥。抵其生路。急於高處繫一手巾。令產母以手攀之。輕輕屈足坐

身令兒生下。非坐在物上也云云。蓋謂坐草已久。產母力疲。故以巾帶助其援力。今此節言不達意。須從原本爲佳。（濟陰綱目有全文）頃按凡是難產。多由心慌意亂。急遽臨盆所致。苟能忍痛靜臥。耐之又耐。瓜熟蒂落。安有危險。鄉曲穩婆。不耐靜守。言多龐雜。催促臨盆。最多誤事。達生編一書。所錄各方。未必可恃。而論忍耐之法。至理名言。無出其右。甚且謂私生者無難產。惟其畏羞而能忍也。尤其勘透入微。所謂六字訣者。確是產婦房中第一箴言。

孕婦只覺腹痛。未必遽產。連腰痛者。則爲將產。胞繫於腎故也。凡腹痛腰痛已急。試捏產母手中指中節。或本節跳動。方可臨盆。卽產。

王孟英曰。中指跳動。亦有不卽產者。更有腰腹不甚痛。但覺腰墜而卽產者。

（箋正）中指節末。本有動脈。但平人之脈動甚微。幾於不自知覺。惟產婦臨盆之時。則此指之尖脈動分明。頃刻分娩。確是多數。孟英所謂亦有未必卽產者。則偶然耳。且又有腹竟不痛。但覺腰痠異常而卽產者。此其達生之極易者。最不可多遇。而亦嘗屢聞之。卽孟

英之所謂十個孩兒十樣生也。

兒未生時。頭本在上。欲生時。轉身向下。故腹痛難忍。此時婦當正身寬帶仰臥待。兒頭到產戶。方可用力催下。若用力太早。或東肚倚着。兒不得轉身。即有橫生逆生。手足先出之患。

（箋正）兒在胎中。頭上足下。以人情言之。理當如是。此吾國人固有之心理。雖婦人孺子。

無不謂然。然據英醫合信氏全體新論。所繪胎中圖形。則頭在下。足在上者。十人而九。其

間有頭上足下。正立胞中者。合信氏明言此胎之生。必足先出。始知胎兒臨蓐。却無轉身

之事。試思人腹中大小腸膀胱。本已相處密切。孕婦懷胎。日以增長。而腹且蟠然。此中豈

有空虛。容得回旋餘地。向來理想空談。原不足據。西醫屢經剖解。所見已多。必非謾語。

許叔微曰。有產累日不下。服藥不驗。此必坐草太早。心懼而氣結不行也。經云。恐則氣下。恐

則精怯。怯則上焦閉。閉則氣逆。逆則下焦脹。氣乃不行。得紫蘇飲一服便產。（方見子懸門）

（箋正）學士亦以坐草太早為戒。可見達生編六字訣之必不可少。心懼而氣結不行。亦

是不能忍耐之咎。恐則氣下。脹而不行。自有至理。紫蘇飲止為疏達氣滯立法。川芎能升。



似於達生不甚相宜。然果是恐則氣下。卻不可少。況分量甚輕。可以無慮。又程鍾齡謂。常能撐動。則正是催生妙品。其臨盆累日。胞漿灑淨。致令氣血枯澀者。非大劑養血不救。王孟英曰。難產自古有之。莊公寤生。見於左傳。故先生如達。不圻不副。詩人以爲異徵也。先生難而後生易。理之常也。晚嫁者尤可必焉。然亦有雖晚嫁而初產不難者。非晚嫁而初產雖易。繼產反難者。或頻產皆易。間有一次甚難者。有一生所產皆易。有一生所產皆難者。此或由稟賦之不齊。或由人事之所召。未可以一例論也。諺云。十個孩兒十樣生。至哉言乎。若得兒身順下。縱稽時日。不必驚惶。安心靜俟可耳。會稽施圃生。產才誕時。其母產十三日而始下。母子皆安。世俗不知此理。稍覺不易。先自慌張。近有兇惡穩婆。故爲恫嚇。妄施毒手。要取重價。嚮而出之。索謝去後。產母隨以告殞者有之。奈買買者尙誇其手段之高。忍心害理。慘莫慘於此矣。設果胎不能下。自有因證調治諸法。卽胎死腹中。亦有可下之方。自古方書未聞有變割之刑。加諸投生之嬰兒者。附識於此。冀世人之憬然悟。而勿爲兇人牟利之妖言所惑也。但有一種驟形者。交骨如環。不能開圻。名鎖子骨。能受

孕而不能產。如懷娠。必以娩難死。此乃異稟。萬中不得其一。如交骨可開者。斷無不能娩者也。方書五種不孕之所謂螺者。即騾字之譌也。蓋驢馬交而生騾。純牝無牡。其交骨如環無端。不交不孕。稟乎純陰。性極馴良。而善走勝於驢馬。然亦馬之屬也。易曰坤爲馬。行地無疆。利牝馬之貞。皆取象於此之謂也。人賦此形。而不能安其貞。則厄於娩矣。

（箋正）交骨非能自開自闔者。說已見前。孟英謂騾骨不開。蓋亦理想。不可爲據。催產神方。治胎漿已出。胎不得下。或延至兩三日者。一服即產。屢用有神效。

當歸 四錢 人參 一錢 牛膝 二錢 川芎 一錢 龜板 三錢 赭石 三

錢 研 肉桂 一錢 去皮 益母 二錢 水煎服

王孟英曰。此方極宜慎用。夏月尤忌。必審其確係虛寒者。始可服之。通津玉靈湯最妙。余用猪肉一味。煎清湯服。亦甚效。

（箋正）胎漿已破。遲久不產。胞門有枯燥之虞。非滋養津液。何以救涸轍之鮒。參歸補血活血。牛膝龜板赭石。引以下行。立法亦不謬。實即佛手散之加味。芎雖能升。然程鍾齡之

所謂撐法。亦自有理。（程解保生無憂散謂催生妙藥。純是撐法。解得極奇而亦極是。蓋即疎通氣機。流動血液耳。說見醫學心悟保生無憂散方下。）且合以牛膝龜板。緒石。亦不慮其升舉。方固可用。惟肉桂實不可解。豈欲其溫以行之耶。若無寒症。何可概施。孟英之評。必不可少。通津一方。果佳。見後附方末葉。今吾鄉恆以龍眼肉。拌人參或別直參西洋參。久久飯上蒸透。作臨產必須之助。即此方之意。但吾鄉俗見。謂非兒頭已見。不可早服。則大謬之說。實屬無稽。如果瀝漿。不可不用。（胞漿先破而久不產者。吾鄉謂之瀝漿生。亦曰瀝胞生。皆俗語也。）猪肉清湯。吹去面上浮油。確是妙品。但宜淡服。如胃氣不旺。似不妨稍入清鹽。此是孟英心得。弗以平易而忽之。

如神散 路上草鞋一雙。名千里馬。取鼻梁上繩洗淨。燒灰。童便和酒調下三錢。神驗。

武叔卿濟陰綱目云。於理固難通。於用實靈驗。按千里馬得人最下之氣。佐以童便之趨下。酒性之行血。故用之良驗。此藥不寒不熱。最是穩劑。

王孟英曰。催生藥不宜輕用。必胎近產門而不能即下。始可用之。又須量其虛實。或助補。

其氣血。或展拓其機關。寒者行溫。熱者清降。逆者鎮墜。未可拘守成方而概施也。

（箋正）此所謂單方也。以理言之。未必皆驗。孟英謂不可拘守成方。豈獨爲催生言之耶。

婦人良方曰。加味芎歸湯入龜板。治交骨不開。醋油調滑石塗入產門。爲滑胎之聖藥。

蕊石散治血入胞衣。脹大不能下。或惡露上攻。草麻子治胎衣不下。佛手散治血虛。

證。清魂散治血暈諸證。失笑散治惡露腹痛。不省人事。平胃散加朴硝。爲腐死胎之藥。

徐藹輝曰。佛手散亦下死胎。胎死宜服此。不傷氣血。服此不下。次用平胃朴硝可也。

（箋正）良方諸條。固皆熟在人口者。但草麻子治胞衣不下。豈用以內服耶。僅能滑腸。且

緩不濟急。必不足恃。下有頭髮塞口。取嚙卽下一條。極便極驗。○朴硝下死胎。則上卷聖

濟總錄一條已言之矣。非恆法也。

凍產治驗。劉復眞治府判女產死將殮。取紅花濃煎。扶女於橙上。以綿帛蘸湯盪之。隨以

澆帛上。以器盛之。又煖又淋。久而蘇醒。遂產一男。蓋遇嚴冬血凝不行。得溫故便產也。

（箋正）此妄語也。人已死矣。且至將殮。其時間必相去稍久。安有復生之理。古人志乘傳

記中所述醫家奇驗。甚有謂見棺中血出。而知產婦未死者。齊諧志怪。皆好事之人。不明醫理者爲之。無一非癡人說夢耳。

逆產足先出。用鹽塗兒足底。橫產手先出。塗兒手心。

徐謫輝曰。鹽螫手足。痛更縮入。俗乃謂之討鹽生也。

（箋正）此亦臨盆太早。強力迫之使然。若守達生編六字要訣。必少此患。如果足先出。此當趁助產之能者。以手術助之。得鹽能縮。亦未必皆確。

胞衣不下

急以物牢扎臍帶。墜住。使不上升。然後將臍帶剪斷。使血不入胞。萎縮易下。若未繫先斷。胞升。湊心必死。

徐謫輝曰。保生錄。胎衣不下。產婦用自己頭髮塞口中。打一惡心。卽下。切須放心。不可驚恐。不可聽穠婆妄用手取。多致傷生。又以草紙燒煙熏鼻。卽下。

（箋正）此取噁心法最佳。若探手取胎衣。則未有不死矣。

芒硝三錢。童便冲服立效。俞遂良先生目覩。

松郡一老穩婆。包醫是證。自帶白末藥一包。買牛膝二兩同煎。去渣冲童便半盃服。立下。白末藥定是元明粉。元明粉卽製朴硝也。

（箋正）芒硝太鹽寒。必非通用之品。童便牛膝可法。

產後喜笑不休

一老嫗云。產後被侍者挾落腰子使然。用烏梅肉二個煎湯服。立效。嘉郡錢鄰哉目覩。

（箋正）腰子是內腎。豈有墜落而可救之理。此陰脫於下。而氣火冲激於上使然。卽西人所謂血冲腦經病也。烏梅酸收。則氣不上冲。而神經之知覺復矣。頓謂童便亟服。亦可有效。否則卽用潛陽鎮逆之法。當無不應。

惡露過多不止

伏龍肝二兩煎湯澄清。化入阿膠一兩服。如不應。加人參。

（箋正）新產惡露過多。而鮮紅無瘀者。是肝之疏泄無度。腎之閉藏無權。衝任不能約束。

關閘盡癢。暴脫之變。大是可虞。伏龍肝溫而兼瀉。土能隄水。眞阿膠激濁揚清。本是血崩。無上聖藥。重用獨用。其力最專。其功最捷。尙在大劑獨參湯之上。必無不應之理。如果不應。則更可危。再加人參。亦非重用不可。而龍牡黃肉之屬。亦所必需。

惡露不來

輕則艾葉及奪命散。重則無極丸。寒凝者。肉桂紅花等藥。併花蕊石散。

王孟英曰。產後苟無寒證的據。一切辛熱之藥皆忌。惡露不來。腹無痛苦者。勿亂投藥餌。聽之可也。如有疼脹者。祇宜丹參丹皮玄胡滑石益母草山查澤蘭桃仁歸尾通草之類。爲治。慎毋妄施峻劑。生化湯最弗擅用。

（箋正）產後無瘀。本非概用攻破之症。苟其體質素薄。血液不充。即使惡露無多。而腹無脹痛之苦者。卽不當投破血之藥。如囿於俗見。則礮熾窄油。勢必損傷衝任。崩脫變象。豈不可虞。惟有淤滯不行之確症者。則桃仁玄胡。歸尾烏藥。青皮等。行滯導氣。已足勝任。亦非必須辛熱。孟英謂無寒症者。卽忌熱藥。蓋新產陰傷。孤陽無依。已多燥火。再與溫辛。豈

非抱薪救火。而世偏有產後喜溫惡清之說。印入人心。牢不可破。慘同炮烙。致是可憐。生化湯誠非必用之方。然炮薑尙是無多。故達生編風行一時。生化二字。幾於婦孺咸知。尙不甚見其弊害。其新產發熱。亦是陰虛陽越。并有因蒸乳而生熱者。生化湯能和陰陽。尋常輕熱。一劑可已。惟在溫熱病中。是爲大忌。孟英溫熱專家。所見產後大熱者必多。故深惡此方。不爲無見。益母草雖曰去瘀生新。而苦燥有餘。亦不應太過。吾鄉俗尙。產母食此。多多益善。必以四五斤爲則。大鍋濃熬。大碗代茶。日灌十餘次。嫌其苦。則以紅砂糖和之。故產家至戚。皆以砂糖爲投贈之品。產母亦必服數斤。雖曰尙是和血良品。究竟苦者太苦。甘者太甘。一則助燥而舌繭唇焦。一則滋膩而易致滿閉。若在炎天。流弊不小。此是土風。當思有以變通之。

九竅出血

彙補云。九竅出血。死證恆多。惟產後瘀血妄行。九竅出血。有用逐瘀之藥而得生者。不可遽斷其必死。此是閱歷後之言。不可忽略。雖無方藥。其法已具。

（箋正）此是虛陽上冒。氣逆血湧。其勢最熾。平人得此。尙難急救。況在產後。然急急泄降。鎮逆。亦自有可生之理。

黑氣鼻衄

郭稽中云。產後口鼻黑氣起。及鼻衄者不治。蓋陽明爲經脈之海。口鼻乃陽明所見之部。黑氣鼻衄。是營衛散亂。營氣先絕。故不治。薛立齋云。急用二味參蘇飲加附子。亦有得生者。

（箋正）此亦氣逆上冒之候。口鼻色黑。則肺胃之氣已絕。法固不治。然急與開泄降逆。亦可治。所謂營衛散亂。營氣先絕二語。則空泛話頭。豈是病理真相。薛立齋謂用參蘇。實屬不切。籠統方藥。何能救此危急萬狀之病。又曰附子。則鼻黑唇黑。豈皆屬於陰寒者。況兼鼻衄者乎。此公庸愚。而偏喜著書立說。巍然者一大部。竟是各科咸備。實則絕少心得。昔人謂如拆礮線。如僧薙髮。無有寸長。頌於此公亦云。而俗子無知。奚辨良窳。喜其簡而易記。卑而易行。可以造成無數庸俗市醫。而殺人乃不可限量。真一大劫哉。

弦暈昏冒

去血過多者。宜重用阿膠。水化略加童便服。去血不多者。宜奪命散。沒藥去油二錢。而竭一錢。共研末。分兩服。糖調酒下。二條宜與前惡露過多二條參看。

沈堯封曰。錢姓產後發暈。兩日不醒。產時惡露甚少。暈時惡露已斷。伊夫向鄰家討鹽。散一服。約重二錢許。酒調灌下。即醒。其藥之色與香。俱似沒藥。大約即是血竭沒藥。又曰。庚辰春。呂妊婦分娩。次日患血暈。略醒一刻。又目閉頭傾。一日數十發。其惡露產時不少。今亦不斷。脈大左關弦硬。用酒化阿膠一兩。冲童便服。是夜暈雖少減。而頭汗出。少腹痛有形。寒戰如瘧。戰已發熱。更甚。投沒藥血竭奪命散二錢。酒調服。寒熱腹痛發暈頭除。惟嫌通身汗出。此是氣血已通。而現虛象。用黃耆五錢。炒歸身二錢。甘艸一錢。炒棗仁三錢。炒小麥五錢。大棗三個煎服。汗止而安。

王孟英曰。惡露雖少。而胸腹無苦者。不可亂投破瘀之藥。今秋周鶴庭室人新產而眩暈自汗。嬾言目不能開。乃父何新之視脈虛弦浮大。因拉余商治。詢其惡露雖無。而脘腹無患。乃用牡蠣石革龜鱉琥珀丹參甘麥大棗爲劑。覆盃即減。數日霍然。此中血虛有素。既

晚則營陰下奪。陽越不潛。設泥新產瘀衝之常例。而不細參脈證。則殺人之事矣。

(箋正)眩暈昏冒。本屬陰虛於下。陽越於上。況在新產。下元陡虛。孤陽上越。尤其淺而易見。顯而易知。卽素問之所謂上實下虛。爲厥癲疾者。此癲字卽顛頂之顛。在古人未嘗不知其病本於腦。所以調經論又謂血之與氣。并走於上。則爲大厥。厥則暴死。氣反則生。反則死。已明言氣血上沖。甚者且至暴死。可見西國醫學家血沖腦經之名。雖是彼之新發明。未嘗不與吾國古書。若合符節。無如中古以降。久昧此旨。祇知爲痰迷神昏。而於素問癲疾兩字。則羣認爲癲狂癲癰之一定名詞。不復細考其字義之何若。此醫學之空疎。斷不能爲漢魏以下諱者。而在上古造字之初。卽從顛頂取義。又是一望可知。共識爲頂顛之病。此字學之必不可不識者。然唐宋以降。則古之小學。幾成紹學。而醫家乃不識癲狂癲癰之爲病在於頭腦。亦正坐小學荒蕪之故。苟能識此病源。皆是氣火升浮。沖激擾腦。則攝納虛陽。抑降浮熱。卽是無上捷訣。無不覆杯得效。應手有功。封此節。以血虛血瘀。分作兩層。乃一虛一實。一閉一脫。確卽腦神經病辨證之兩大綱。阿膠、真濟水、沈重之